



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instructio practica ...

De Horis Canonicis Juxta Rubricas Breviarii Romani ritè recitandis - In qua etiam ipsæ Rubricæ Notis brevibus illustratæ, & Martyrologij Romani nomina suis Accentibus signata continentur, Ad Faciliorem Discentium Vsvm Ac Praxin

Lohner, Tobias

Dilingæ, 1676

Titulus I. De Officio Duplici.

[urn:nbn:de:hbz:466:1-48333](https://nbn-resolving.org/urn:nbn:de:hbz:466:1-48333)

TITULUS I.

DE OFFICIO DVPLICI.

I. Officium fit Duplex in diebus à Feria quinta in Cœna Domini usque ad Feriam tertiam Paschæ inclusivè, in Dominica in Albis. *g.* in Ascensione Domini, in Dominica Pentecostes, & duabus diebus sequentibus, in Festo Trinitatis, Corporis Christi, Dedicationis propriæ Ecclesiæ; in Festis, quibus in Calendario apponitur hæc vox *Duplex*; in die Octava Festi habentis Octavam; in Festo Patroni. *h.* unius vel plurium alicujus loci, vel Titularis. *i.* Ecclesiæ: & in Festis Sanctorum, qui apud quasdam Ecclesias, Religiones, vel Congregationes consueverunt solemniter celebrari, cum Officijs proprijs à Sede Apostolica approbatis, aut ex ejusdem Sedis authoritate receptis, vel recipiendis (servatâ tamen formâ hujus Breviarij) alioquin de Comuni. *k.* etiamsi prædicta Festa in hoc Calendario non sint descripta. *l.* Præterea Officium fit Duplex pro Defunctis in Commemoratione omnium Fidelium Defunctorum, & in die obitus, seu depositione Defuncti *m.* ut in eodem Officio dicitur circa finem Breviarij.

G. Sic dictâ, quia olim Catechumeni hoc die baptizati vestibus albis induebantur.

H. Vocatur propriè Patronus, (quem aliqui perperam cum Titulari confundunt) quem Episcopus cum Populo sibi Patronum elegit, de quo vide p. 1. tit. 6. hujus Instructionis.

I. Titularis Ecclesiæ dicitur, sub cujus invocatione Ecclesia consecrata est.

K. Commune Sanctorum intellige, seu eam partem Breviarij, in qua Officia pluribus Sanctis communia in defectum proprij Officij designantur.

L. Qui-

L. Quibus addit Gavantus f. 3. c. 3. n. 10. Sanctos, quibus insignis Reliquia (puta caput, brachium, crus, & ea pars corporis, in qua passus est Martyr, modò integra non parva sit, ut decidit S. Congregatio) habetur. In Translatio Patroni Principalis juxta Arnaudum tr. 2. p. 1. tit.

M. Gavantus f. 9. c. 2. n. 12. etiam diem tertium, Septimum, trigessimum & Anniversarium addit, cum in his Inventionarium, quod non nisi in solemnibus Officiis pro Defunctis dicitur consuevit, recitari velit; & Rubricæ Missalis Missam in illis diebus perinde, ut in die depositionis, exceptis Orationibus dici præcipiant.

II. Festum Duplex celebratur eo die, quo celebratur, nisi illud contingat transferri, ut dicitur in Rubrica de Translatione Festorum.

III. Habet primas & secundas Vesperas integras. nisi cum alio simili concurrat, ut dicitur in Rubrica de concurrentia Officij; & totum Officium fit de Duplici, incipiendo à primis Vesperis usque ad Completorium sequentis diei inclusive, nisi aliter in proprijs locis assignetur. Officium autem Defunctorum habet tantum primas Vesperas, Matutinum & Laudes, ut circa finem Breviarj ponitur.

N. Intellige de Sanctorum Festis, nam triduum ultimum Sacre Hebdomadæ, licet sub duplici ritu celebretur, non tamen habet primas Vesperas, cum omnis Feria Major in Matutino incipiat Officium.

O. Puta si Duplex per annum cum alio Duplici per annum in Vesperis concurrat, tunc enim dividunt Vesperas, ut de antecedente Psalmi, de subsequente reliquæ Vesperarum partes à Capitulo dicantur. Quòd si verò cum dissimili id est, primæ vel secundæ Classis Duplici concurrat, tunc vel omnino amittit jus ad Vesperas, vel solam commemorationem habet.

P. Uti fit in Festis infra Octavam Nativitatis Christi concurrentibus, quorum nullum habet integras Vesperas.

IV. In utrisque Vesperis, Matutino & Laudibus tantum, non autem in alijs Horis duplicantur Antiphonæ, q. id est, integræ dicuntur in principio & fine Psalmorum. r.

Q. Quod aded proprium est Duplicibus, ut omnibus omnino & solis conveniat, atque aded meritò illa denominationem ab hac duplicatione accipiant.

R. Nisi omnino omitti debeant, ut fit tempore Paschali, dum in singulis Nocturnis secunda & tertia Antiphona omititur.

V. Ad Matutinum regulariter s dicuntur tres Nocturni cum novem Psalmis, & totidem Lectionibus, t. hoc est, in unoquoque Nocturno tres Psalmi, & tres Lectiones, præterquam in Paschate Resurrectionis & Pentecostes cum duobus sequentibus diebus, in quibus dicitur unum tantum Nocturnum, cum tribus Psalmis, & totidem Lectionibus, ut ibidem ponitur.

s. Propter binas Octavas Paschatis & Pentecostes mox infra exceptas; alia enim omnia Duplicia tres Nocturnos, & novem Psalmos ac Lectiones habent.

T. Ab his quippe Festa novem Lectionum denominantur.

VI. Preces u. ad Primam & Completorium x. & Suffragia de S. MARIA, Apostolis, & Pace. z. ad Vesperas & Laudes non dicuntur in Officio Duplici. a. ut etiam in proprijs eorum Rubricis dicitur.

V. Per preces has intellige Versiculos quosdam cum Responsorijs suis in Prima & Completorio annotatos.

X. Multò minùs Preces in Laudibus & Vesperis, & reliquis minoribus Horis dici solitæ dicuntur, ut quæ solis Feriis Majoribus & Vigilijs propriæ sunt.

Z. Atque aded nec commemoratio de Cruce tempore Paschali, quæ tunc loco Suffragiorum dicitur.

A. Quod tamen privilegium non solis Duplicibus, sed etiam Semiduplicibus quibusdam, videlicet diebus infra Octavam; imò Suffragiorum carentia etiam Simplicibus quibus-

busdam, nempe Feriis Adventûs & Majoris Hebdomadæ convenit.

VII. Quomodo sit ordinandum Officium Duplex in Vesperis, Matutino, & ceteris Horis; similiter & de Antiphonis, Responsorij, Versibus, Capitulis, & aliis in eo dicendis, habentur inferius singulis propriæ Rubricæ.

TITULUS II.

DE OFFICIO SEMIDUPLICI.

I. **O**fficium sit Semiduplex diebus Dominicis (exceptâ Dominicâ in Albis, *b.* in qua Duplex *c.*) & diebus infra Octavam *d.* Item in Festis, quibus in Calendario hæc vox *Semiduplex* apponitur. *e.* in Festis propriis quorundam locorum. *f.* quæ solemnius apud illas, quàm Simplicia, consueverunt celebrari.

B. Non, quòd dies Octava sit Paschatis, cum ritum diebus Octavæ Paschatis penitus diversum habeat; sed quòd forsè illo die solemnis Baptismus celebrabatur.

C. Quibus adde etiam Dominicam Paschatis, Pentecostes, & Trinitatis, quamvis hæc Festa potiùs, quàm Dominicæ dicenda sint.

D. Vocantur Dies infra Octavam sex illi dies, qui infra Festum & ipsam diem Octavam intercedunt.

E. Nisi propter formalitatem Patroni aut Titularis, propter insignem Reliquiam inter Duplicia numerentur.

F. Qualia v. g. sunt Translatio Patroni minùs principalis: Festum Sancti, cujus Reliquia non insignis habetur, & S. Congregatione ejusmodi Festum concedatur.

II. In Festo Semiduplici fit eo die, quo cadit, nisi contingat transferri, ut dicitur in Rubrica Translatione Festorum.

III. Habet totum Officium integrum. *g.* fit Duplex; sed non duplicantur Antiphonæ.